

Teutischer Sprüchwörter: 341

te ich doch/ich wer es selbs. Also ward der
frawen schalkheit offenbar/nemlich/ das
sie einen hette/der ihrem man änlich were/
das ist/der auch jr man were.

641

**Greiffet zu/jr solt geuatter
werden.**

Sie das kind zur tauff tragen/die heysen
wir Teutschen Faueter/dz ist/die geystlich
väter sind des kinds/gleich wie der ander
väter natürlich vnd leiblich des kinds vat
ter ist. Die Faueter sind da vñ gelobē/weñ
sie zu greiffen vñ rüren des kinds fleyschs/
daß diß kind zum rodt getaufft werde/vnd
es sol / wo es Gottes chre fordert/das les
bē vñ Christus willen lassen/Im fall auch/
daß dem kind seine ältern stürben/so sollen
vnd wöllen die Faueter das kind den Cate
chismum/den glauben/dz Vatter vnser/vñ
die Zehen gebot leren. Mit der Tauffe aber
des kinds hat es die gestalt/dz Christus ha
ben wil/man sol die jüngen kinder tauffen/
gleich wie Got haben wolt/man sol die kin
der/deren Got er sein wolt/vnd jrer nach
kommen/am achten tag beschneiden/nach
außweisung des gesezts. Solchem willen
sollen wir folgen/vñ die kinder hin tragen.
Den wer zum gnaden wort kompt/der ist

¶ ¶